

General Leutnanter / Øfwerstar / Hauptmän / Gåpitainer / Befalningzhaftware och Ansörare aff vårt Krigsfolck så til Foot som til Häst / ihe ware sigt Frankoser eller aff annan Nation at the hör- samligen och stricte , hvor och en esster sitt Stånd och så wylde desz ansörtroddde Rättigheet och Jurisdiction sigt sträcker / fullgiöra och essterkomma dhemme Declarations Innehåld och Wår ther i sat- tade nädige Willia / Och at thetta Ord ifrån Ord/ vthi alle Städder i Vårt Rijke / vidh alle Sjökan- ter och Hambuer / som ock på Broor och andra Or- ter ther thet aff nödden wara kan / publicera och anslå / pç thet at ingen må kunna föregifwa sigt thetta okunnigt wara. Datum Warsaile den 28. Augusti Anno 1676.

L O V I S.

68.

RESPONSIO

Ad Libellum Memorialēm S. REGIÆ MAJESTATI & REIPUBLICÆ POLONIÆ nuper abs Danico Ministro exhibitum. Adjunctus est Libellus ipse Danicus.

Postquam copia mihi facta fuit conspi-
ciendi libellum memorialem, quo pau-
cos ante dies ministro Danico apud S.^m.
R.^m M.^m & Remp. Poloniæ in no-
stram nationem debacchari libido fuit,
illud quidem insolens aut inexpectatum haudqua-
quam visum fuit, quod & heic locorum hostes nobis ex-
citare Dani satagant, quippe quibus odia in nos acer-
bitate plusquam humana exercere nativum est. Hoc dun-
taxat indignitatis non ferendæ judicabatur, istum ho-
minem tam abjecte de sapientia & generositate S.^m. R.^m
M.^m Reiq; publicæ Poloniæ sentire, ut frivola ista aut
fæda, quæ deblaterat, pondus aliquod ad sanctissimo-
rum fæderum, sinceræq; amicitiae vinculum abrumpen-
dum habitura sperare potuerit. Nam cum facile
concedere queamus, ut alter suo periculo insaniat, sum-
mæ injuria loco est, si ita temerè in furoris sui societa-
tem nos deposcat. Quanquam autem plane confi-
dam. S.^m. R.^m M.^m inclutamq; Remp. Poloniæ
ultra tam indecora petita averfaturam, & ex iisdem ge-
niis nationis Daniæ liquidius æstimaturam: officii
tamen mei ratio utiq; requirebat, ad istum libellum
quædam reponere, num fortasse Minister Danicus
permoveri possit, ut deinceps circa apricandam animi
sui saniem si non pudoris sui, saltem dignitatis aliorum
rationem aliquam habeat. Ac illud quidem eximæ
vanitatis est argumentum, quod toto orbe extare dicit
præ-

14. A
9584

præclara amicitiae monumenta, quibus quondam Reges
Daniæ & Resp. Poloniæ se invicem devixerint. At-
qui nullibi terrarum alia amicitiae inter istos populos
monumenta extant, quam quæ simplici benevolentiae
contestatione, & promiscuae humanitatis officiis inter
eos, quibus singularis quid negotii non intercedit, ab-
solvantur. Quin & ea utriusq; Regni est conditio,
ut aliam amicitiae speciem, nisi casu quam rarissime
contingente, capere nequeat; saltem quæ nullo mo-
po comparari debeat cum illa necessitudine, qua Re-
gna Sueciæ & Poloniæ per communis utilitatis atq; se-
curitatis rationem adstringuntur. Sane enim & olim
ea fuit gentis Polonicæ in Sueciam pro clivitas, ut de-
ficiente domi stirpe Regia ex hacce sibi potissimum
Reges petere voluerit. Et Poloniæ ex uno latere
Domus Austriaca, ex altero Moscovia cingit, qua-
rum utraq; etiam Suecicis ditionibus imminet; non
possunt non Sueci Poloniq; mutuæ conservationistu-
dere, siquidem propriam utriq; incolumentem amant.
Ast Daniæ, utpote potentissimorum statuum interje-
ctu à Poloniæ dijunctæ, & qnam nulli communes æ-
muli rationes cum hac conjunctas habere subigunt,
parum interesse potest, salva sit hecce, an pereat; co-
que quicquid illa de amicitia erga hanc contestetur,
intra mera & inania verba subsistere est judicandum.
Quin potius cum Dani ex odio in Suecos amicitiae
Muscorum adrepere eosq; in ipsam concitatæ omnib;
modis laborent, qui tamen Russi nulla in parte præva-

lere Suecis possint, ut non inde Poloniæ suspicio & periculum oriatur: manifestum sane est, Dano prægravem Poloniæ vicinum & amulum ipsis Polonis longe esse potiorem. Pariter inania sunt ea verborum lenocinia quæ seqvuntur de Regis Daniæ desiderio amicitiam cum Rep. Poloniæ à maioribus acceptam non solum continuandi, sed & majorem in modum augendi. Nam non solum per nativam conditionem istorum regnum ea amicitia ultra verba procedere nequit; sed & ubi illa hoc tempore, tot hostibus ad exitium Sueciz imminentibus arctius adstringatur, non posset non eadem in Poloniæ damnum vergere; quippe cum ex istis ruina insigniter sint angenda opes eorum, quos intra mediocritatis cancellos cohiberi Poloniæ quam maxime interest. Inane quoq; est, quod Minister Daniæ addit; nos omnes artes eo convertere, ut Gentis Poloniæ studia animosq; à Rege Daniæ avertamus. Nam quicquid nobis jam cum S.^o R.^o M.^o & Rep. Poloniæ agitatur, id nullo modo tangit amicitiam, quæ per naturam statu Polonici cum Dania est aut esse debet; & ut illa intra hosce terminos perpetuo subsistat, Suecia neq; invidet neq; repugnat. Cujus sane tanta vis non est, ut S.^o R.^o M.^o & Resp. Poloniæ per eam impediatur, quo minus assistere queat Sueciz adversus eos, quibus cum Dano scse hoc tempore copulare placuit, & quibus ut succenseat Polonia gravissimas rationes habet. Cum præsertim roto hocce bello Dania nihil querat, quod Poloniæ ullo modo prodesse queat. Eoq; nihil contra

contra antiquam virtutem & fidem factura est Gens Polonica, si non ea solum ratione, de qua minister Danicus conqueritur, sed & longe efficaciori Sueciz hoc rerum articulo adsistat. Sunt & illa genii Danici luculenta specimina, quod & Suecos Polonorum inimicos adpellare, & quæ ante aliquot annos Poloniæ cum Danis intercedebat, conjunctionem tanquam horum in illam singularis affectus argumentum extollere non erubescat. Nam præterquam quod lis illa, quæ ante hac nostras nationes, repugnante ipsarum nativa utilitate, infeliciter colliserat, æterna pace dudum sit composita, ipsa etiam radice, ne repellulascere aliquando posset, penitus excisa; ea sane controversia non ex ipso harum nationum ingenio, aut habitudine aliqua utriusq; Regni enata est, sed ex peculiari negotio familiæ Regiæ; qua certorum hominum artibus ipsa tandem resp. Poloniæ involuta est, repugnantibus licet multis sapientissimis, & patriæ suæ amantissimis apud eos viris, qui publice ac privatim contestabantur, litem privatam familiæ Regiæ ad Rempublicam non spectare, nec ob eam bellum sumendum in nationem, qua ut semper amica utantur, utriusq; intersit. Quo colore ergo quis, nisi plane effrons, Suecos Polonorum inimicos vocaverit? Non minus absurdum est, amicitiæ Polonorum velle imputare, quod superioribus annis Dani Suecos bello Polono distractos à tergo invaserint. Sane enim quamdiu Poloniæ res in an-

gusto videbantur esse, nosquam sese ad auxilium ferendam commovebant Dani. Sed cum Suecos eō jam redactos crederent, ut nulli ex Polonia dare ut evadere, tunc demum vetos suum artificium exercere in mentem veniebat, quo solenne ipsis est Suecis insidias struere, & infortunio aliquo implicitis a tergo ingruere, adversus florentes & paratos subdolam quietem agitare. Cum igitur istud bellum Dani hanc quam in Polonorum gratiam, sed unice ex iniquita sua in Suecos malignitate suscepserint, improbus nunc Minister Danicus S.^m R.^m M.ⁱ & Reip. Poloniæ jacturam provinciarum, quam eo bello Dani fecerant, in faciem exprobrat. Porro dum idem per protervam conviciandi libidinem Suecis fluxam ac temporariam amicitiam, (cujus nullam idoneum exemplum afferre novit,) & insatiabilem nulloq; æqui & iuriis limiteterminatam finium proferendorum aviditatem objicit, contra regulas artis sue parum memor fuisse videtur recentissimi facti, quod in æternum fidei & abstinentiæ Danicæ, si Diis placet, monumentum præstabit, dum Celsissimus Dux Holsatiæ consanguineus & sororius contra literas & sigillum Regiam custodix mancipatur, & ad subscribendas iniquissimæs conditiones adigitur, subdictiq; modo plusquam hostili pœnitencia eminguntur. Nam quomodo Rex Daniæ paternum fidei in nos exemplum jam expresserit, memorare nihil attinet, cum in eo nil nisi semina naturæ sue secutus fuerit.

Sed & illud hominis non nimio circumspeti argumentum est alieni invadendi cupidinem alii obficere, qui nuper arctissimam Domini sui cum Austriacis ac Brandenburgico societatem ambitiose inculcayerat. Parem incogitantiam arguit, quod cum paolo ante Gentis Polonicæ antiquam virtutem & fidem per subdolam blandiloquentiam extulisset, mox sui oblitus S.^m R.^m M.^m & Remp. Poloniæ ad parem cum Dani perfidiam, ad sanctissimæ pacis, æternorumq; fœderum violationem, ad legitime parta amicis eripienda adhortatur. Si circumspicias, quibus rationibus tam fædum facinus istis persuadere conetur, præcipuo loco audis opportunitatem temporis, quasi nunc maxime tempestivum sit perfidiam in Suecos exercere, quod iidem a multis simul hostibus infestentur. Atqui apud eos, queis aliqua virtus fidesq; cordi est, ejusmodi opportunitas temporis ad hoc valere judicatur, ut confirmius fœderum religio adstringatur, & amicitiae officia majore cum studio expromantur. Nam florentibus nostris rebus lociis & amicis usq; adeo opus nobis non est, & iidem tunc, ut nostro favore frui queant, ultrò sese nobis venditare solent. Quin amicitias & societas ideo secundis rebus nostris colimus, ut eadem adversis subsidio nobis sint. Sed qui opportunitatem temporis, & adversitates amici ad hoc valere statuit, ut citra ullam aliam causam amicitia abrumptatur, fœdera proculcentur, ad deripienda istius bona roatur is.

tur, is fidem & amicitiam inter instrumenta fallendi disponit, & publicam pejerandi atq; latrocinandi licentiam in genere humano stabilitum it. Sed & dignum totius libelli importunitate est, quod Minister Danicus S.^{am} R.^{am} M.^{em} & Remp. Poloniæ verum suum interesse, velut isto magistro indgentem, docere aggreditur. Quod quidē n ex mente istius primo in hoc consistit, ut amicitia, fides ac foedera inter vitia habeantur, utq; vicinus vicino perpetuas insidias struat, & satis causæ ad eum invadendum judicet, quod jam cum aliis invasoribus colluctatur. Perinde quasi non aliquando in eos, qui ejusmodi sapientiam profitentur, sua exempla recidere queant. Tum peculiariter ostentatur Livonia, cuius repetendæ occasio si non omittatur, vix unquam postea redditura sit. Atqui si tam religiosa pace sanctæ cessiones non ulterius vim habent, quam quousq; occasio alterum cum hostibus luctantem à tergo invadendi arriserit, frustra circa pacem componendam populi laborant, & vix illa ratio bellis sopiendis relinquitur. Ne multis memorem, Livoniam hancquam fuisse antiquam Poloniæ possessionem, sed quæ necessitate subigente, ut læviorem dominum effugeret, sub tutelam Poloniæ se contulit, post per aleam belli iterum separata, sic ut corpus Poloniæ nullam inde lacerationem aut deformitatem senserit. Et sane longe magis interest Poloniæ Suecorum favorem adversus præpotentes ipsius vicinos perpetuo

perpetuò sibi habere pignoratam, quām patrato adversus ipsos quod Dani volunt flagitio, / de cuius successu castrum illi non est) iisdem necessitatē imponere quævis occasione paria reponendi, & ad æmulos Poloniæ studium suum transferendi. Sed nec illud in mentem venisse videtur Ministro Danico, quod nobis ansam præbuerit longe plausibilis argumentum ab ipso contra nos venditatum in locum Danorum Electorem Brandenburgicum retorquendi, cui supremum in Borussiam jus, turpi foederum nundinatione partum, iterum eripiendi jam Poloniæ opportunitas non facile redditura obtigit; præsertim cum subditi ejus regionis vetus Poloniæ regimen anxiè desiderent, & sub durissimo jugo dudum ingemiscant. Quod porro Minister Danicus Genti Polonicæ metum incutere satagit, quasi Borussiæ regali à Suecis periculum aliquando immineat, nisi hoc tempore injusto ipsos bello petant, id satis adparet profectū abs tali qui pensi nihil habet, an quæ garrit speciem rationis aut probabilitatis præseferant, an minus, modò aliqua viâ acerbitatē animi sui in alios exoneret. Quippe cum Suecis nulla sit facultas adquirendi aut retinendi regionem à ditionibus suis disjunctam, quam non solum Polonia, sed & multæ nationes, quibus commercia ibi agitantur, sunt propugnaturæ. Quin potius nemo est, quem Polonia circa eam regionem magis suspectum habere debeat, præter Electorem Brandenburgicum, siquidem quem fibi

sibi cum sociis scopum præfixit obtinere contigerit ; utpote qui metu Suecorum solitus nihil sibi commodius sit crediturus, quam eam Borussiæ partem , ditionibus suis interpositam, sibiq; tam opportunam absorpsisse, quæ inter alia viam quoq; præbitura sit parandæ potentiae maritimæ, cui, cum alia ratio non suppteret, in hoc bello exercita piratica prælusit. Præterea valde jejune de sapientia S. R. M. & Reipl. Poloniæ sentire oportuit Ministrum Danicum, si Eidem abs se persuaderi posse speravit verum Poloniæ interesse in eo versari, ut Sueci Danicæ sociorumq; armis ad honestam & securam pacem adigantur, & intra antiquos limites compingantur. Si enim ex istis hominibus quereras, quid tam specioso vocabulo honestæ & securæ pacis intelligent, nihil aliud ipsos velle deprehendas, quam ut, Suecis Gallisq; ad incitas redactis, ipsorum factio horum spoliis locupletetur, adeoq; domus Austriaca tandem ad plenum Europæ arbitrium pertingat, oppressis qui haetensis ejus ambitioni remoram injecrant, simulq; Elector Brandenburgicus, qui jamdudum nil nisi de Regibus in ordinem redigendis crepat, pares spiritibus suis opes sortiatur. Atqui potentia Austriaca Poloniæ semper fuit suspecta, ne in ipsam quoq; aliquando tentare vellet, quod circa Hungaros, Bohemosq; ipsi successerat. Et Electorem Brandenburgicum veterem Poloniæ vassallum ad id fastigii provehi, ut eidem deinceps sit formidabilis, id sane Polonis neq;

nis neq; tutum, neq; decorum fuerit. Sic & quod istis hominibus subinde in ore est carmen de Suecis intra antiquos limites redigendi, oppidò quam absurde Poloniis occinitur ; quippe qui latis intelligunt, mutilata Suecia vicinos ipsorum magis formidabiles reddi, seq; Sueciæ studiis adverlus illos fraudari. Et quo privilegio cautum est Danis, sociisq; , quo minus & ipsi eodem jure , quod in cæteros statuunt, ut teneantur ? Atqui præterquam quod hoc modo omnium populorum status sursum deorsum volvendus sit, etiam Danis tunc patrum lætabile sit futurum, si in antiquum statum reponatur Norvegia ; siq; Domus Austriaca & Barndenburgicus Elector ad primævam tenuitatem redigantur, qui sane enormibus suis incrementis non usq; adeo modeste usi sunt, aut adhuc utuntur. Eñimvero S. R. M.^m & Resp. Poloniæ, etiam me non monente intelligit , prudentis esse, ex vicinis bello inter se collisis haudquidquam unius ambitioni aut acerbitali ita favere, ut alterum plane opprimere queat, sed potius talem esse pacem quærendam, per quam populorum vires in æquilibrio permaneant, & si quis suæ libidini obsecratus æquas conditiones admittere nolit, cum à cæteris, quorum id ullo modo interesse potest, intra limites rationis redigendum. Miscet deinceps minas Minister Danicus, velut vixdum coalita Poloniæ qui es in discrimen danda, & reflorens commerciorum usus penitus sit extingendum, ni S. R. M.^m & Republica Poloniæ ad im-

potentem Danorum libidinem sese componat. Istud quidem est non obscure aliis statibus leges velle praescribere. Ast prolixius mihi de virtute Gentis Polonicae pollicor, quam ut ad Dani & Brandenburgici minas sint trepidaturi. Neque crediderim nationes illas, qui cum Polonis commercia tractant, emolumenatum suum post natus Danoram habituras. Denique ne quis amplius dubitet, libelli Danici scopum non esse serii quid aut aequi a S. R. M.^o & Rep. Poloniae petere, sed duntaxat nullam occasionem malignitatis in Suecos apricandae negligere; sane petitio prorsus confusa & vaga est, quae haudquaquam in certa aliqua re figitur, nec ita concepta est, ut definiti quid ad eam responderi possit; nisi hoc unum; quod Minister ille impudenter plane nationis suae characterem in Suecos conetur transfundere. Nam si velis exprimere hominem, qui temporarius blanditiis non a vero affectu, sed a necessitate, metu, astutia profectis aliis adrepere soleat, uno verbo Danum dixeris. Tandem validissimam velut impressionem in animos Polonorum facere conatur Minister Danicus, dum rehostimenti loco, si obtineat petita, S. R. M. & Resp. Poloniae certum suppetiarum numerum contra Christiani nominis hostem offert, sed ne istis suppetiis nimium glorientur Poloni, additur, subsecuta pace; id est, postquam Dani cum sociis improbo voto potiti sunt ut cum alios vicinos, tum Poloniam impune deinceps contempnere possint. Nimirum non desipiunt Dani,

Dani, si in ejusmodi leges cum Polonia convenire possunt, ut ipsi quidem hujus favore res suas in fastigium exoptatum collocare queant, hanc autem aliquid nescio quid in casum incertum expectare jubeant, nulla alia cautione, quam fidei Danicae, interposita; cui quantopere nitendum sit, vel solus libellus Ministri Danici, ex intima ejus gentis disciplina profectus, documento esse potest, quippe quod nihil aliud agitur, quam ut alii ad violanda pacta nullo perfidiæ colore aut praetextu urgeantur; & in quo palmarium ratiocinium est hoc antiqua virtute ac fide es, igitur & ipse socio & amico, ab aliis inique oppresso, perfidè insulta. Quæcum ita sint, nullum plane dubium mihi restat, quin S. R. M.^o & Resp. Poloniae non modo fædam animi dispositionem, quæ ex libello Ministri Danici relucet, ultra detestatura; sed & eorum rationes suas cum Suecia conjunctura sit, quo magis ipsis quoque inter- est, ne pares superbæ suæ opes nanciscantur, qui nonnullos sub initia belli successus tam insolenter ferunt.

Ad Serenissimum Potentissimumq; Regem

P O L O N I A E,
totamq; Rempublicam.

Exstant toto orbe præclara amicitiae monumenta, quibus veluti vinculis Majores Serenissimi Reges Daniæ Norwegiæque, Domini mei Clementissimi, & inclita hæc Respubl. se invicem devinxere, at non minori desiderio flagrat S. R. M. Daniæ acceptam à Majoribus suis angustæ memoriae, in hac gente amicitia non solùm continuandi, sed etiam maiorem in modum angendi, præsertim hac tempestate, ubi ejus, Confœderatorumque suorum hostes, eò artes & consilia omnia convertunt, ut amicissimæ gentis studia animosq; ab altè memorata S. R. M. Daniæ abalienent; prout jam demum Sueci palam gloriari non erubescunt, superstites ex tot bellis Poloniae Legiones ipsis submissomiri, dum eò se rem perduxisse contendunt, ut dimissa magna pars Copiarum Polonicarum ipsis abhioc in Livonia, quod miratur S. R. M. Daniæ, nunc militatum itura sit, quo expeditius inde miles Suecicus in ipsam, aut quenquam Confœderatorum suorum educi possit, milite Polono interea. Exciutarum Suecicarum ibidem vices obeunte, sed quod minus his tam inopinatis nuntiis fidem adhibeat S. R. M. Daniæ, ipsa gentis Poloniae antiqua virtus ac fides

fides efficit, qua persuaderi ipsi non patitur S. R. M. V. ac Rempublicam, adeò à Regia Majorum via deflesti posse, ut Inimicis suis ad oppugnandos Amicos utiliter, quin autem S. R. M. Daniæ pro Amico habeat, eo minus dubitat, quo recentior adhuc est hinc amicitiae illinc inimicitiae memoria, quam ne altius repetam novissimorum temporum duntaxat testimonia advocari operæ pretium fuérit. Ex quibus satis constat, quanti Ser.º Regi Daniæ steterit ejusdem belli societas, quâ glorioissimæ memorie Parens Ejus tot Provinciarum suarum jaetura, totam belli Suetici molem & ruinam inde in se Regnaq; sua avertit. Quod si demum vero superiorum temporum officia præsentium iniquitati posthabeantur, saltem ignorari non potest, quam fluxa ac temporaria Suecicæ Amicitia, quamque insatiabilis nulloq; sive æqui sive juris limite terminata finium proferendorum aviditas sit: Quapropter S. R. M. Daniæ handquaquam verisimile videtur, quin potius certò persuasa est S. R. M. V. ac Rempl. ad verum interesse suum hac opportunitate attenturam ne tam formidolosæ vicinitatis partes hac tempestate, adversus S. R. M. Daniæ Confœderatosq; suos imprimis vicinos, quibus cum nunc arctiori, quam unquam alias Fœderis nexus jungitur, tñcti, vixq; dum coalitam quietem Patriæ, denno in discrimen dare & restitucentem Commerciorum præcipue usum, penitus extingvere velit. Quod si igitur S. R. M. V. & Respublica partem Exercitus sui exauctorandam censue-

ēensuerint, fore sperat S. R. M.^{as} Daniæ, ut ipsi potius & Confoederatis suis concedantur, non solum quæ dimitentur forte Copiæ, sed etiam ipsa temporis opportunitate, ejusq; auxilio ad recuperandas ditiones suas uti malint; Quæ omnia ut optatum exitum sortiantur S. R. M.^{as} Daniæ desiderat, ut conducendi militis in Polonia ac Prussia ipsi saltem facultas concedatur, eademq; hostibus suis publico interdicto adimatur, & si qui forte Polonorū jam à Suecis conscripti, & sub ipsorum signis habeantur, illico discedere & ad suos, se recipere jubeantur. Id quod facilius impetratur fore credit S. R. M.^{as} Daniæ, quo magis S. R. M. V.^{as} ac reipublicæ Polonæ interest, Suecis suis sociorumq; suorum armis ad honestam ac securam demum pacem, intraq; antiquos limites redigi. Fallunt sanè & falluntur illi, qui credunt, vel alios ut credant inducere conantur, temporarias Suecorum blanditias à vero affectu potius, quam a necessitate, metu, astuq; proficiisci; siq; præsentem repetendæ Livoniæ occasionem, vix unquā abhinc reddituram transmittant, frustra aliquando etiam de amissa Prussia Regali conquerentur, seroq; eos, Sueciæ fallacis amicitiæ penitebit. Quicquid autem horum obtinuerit, S. R. M.^{as} Daniæ, pro benevolentiæ ac sinceræ amicitiæ tessera habebit, scq; mutuo officiorum genere S. R. M.^{as} V.^{as} totiq; Reipublicæ Polonæ ad omnes eventus devinet etiam eousque reputabit, ut subsecuta pace ad certum suppetiarum numerum sese contra Ch̄ristiani Nominis hostem vigore mandati mei obstringat.

Post

Post excusa superiora pervenit in manus ipsius Dn. Legati proprium Responsum Warsawie redditum, ipsiq; Regi Poloniæ vice Memorialis traditum quod hic subjugere visum fuit.

Serenissime & Potentissime Rex.

Communicatum mihi est nuper ab amico in Germaniâ degente scriptum quoddam S^e Regiæ M^a Veltræ totiq; Reipublicæ à Ministro Danico oblatum. Quod cum planè modestiam exuat, & virulentis maledicentiæ aculeis refertum Sueciam arrodat, vix alios quam Danos autores habere potuerit, si Brandenburgici excipientur. Illis quippe solenne est, sinè rubore calumniari, ac convitis probrisq; infestare. Indignum responso omni videri posset, cum vanitas & falsitas ejusdem ubiq; manifesto pateat. Verum cum intersit S. R. M.^{as} Sveciæ Regis & Domini mei Clementissimi, injurias, in ipsam totamq; nationem Svecicam effæni licentiâ eongestas refutari, munerisq; mei ratio hoc à me officium necessariò exigat, licet cum gratiâ S. R. M. V.^{as} ad singula capita scripti istius famosi respondere, eademq; libertate & iure, quod nobis in se Danici scriptoris, quantumlibet Regis mandatis fulta, immodica tamen & inverecundâ licentiâ quæsivit. Unde nimis lacessiu compulsiq; te-

C

cet

cet mitiora malemas, æqua tamen reponere cogimur, non quidem animo ullo Injuriis certandi, verum ut ostensa Sveciæ innocentia ipsa veritas à Danis miserum in modum laniata, vel involucris abdita, nuda & manifesta M.^o V.^o in conspectum sistatur.

Nescio quâ fronte deprædicare audeant sua in Remp. merita Dani, quæ adeò nulla extant, ut potius monumentis Historicorum proditum sit, non semp̄re eos bonâ fidè cum Borussis, qui partem Rep. hujus consti- tuunt, antiquis temporibus egisse, imò certamina inter gentes Sarmaticas & Danicas commissa, mariq; ab his in classes incendis saevitum fuisse. Tantumque abest, ut olim vel nuper aliquid in rem hujus Reip. egint Dani ut facile etiam ad manus documenta haberi possint, quibus evincitur Ser. ^{mo} Regi Sigismundo III. omnibus aliis in rebus ipsos defuisse, præterquam in iis quæ tam ad Sveciam ab ipso alienandam, quam Polonos in Sueciam, utriusq; partis detrimento, concitando usui fuere. Forsitan autem hoc inter argumenta sua in Poloniam sinceritatis candorisq; referent Dani, quod Anno 1657. ad Seren. ^{um} Regem Johannem Casimirum scribentes, Iolutæ obsidionis ad Friderici Uddam partæq; ibidem de Svecis victoriæ cuiusdam ostentatione Polonos in societate contra Sveciam confirmare non sint veriti, utcunque postea constiterit, nec Svecos ibidem Danorum armis represlos, nec à cingendâ obsidione Friderici Uddâ destitisse donec illa magna Da-

gnâ Danorum clade, & majore ignominia caperetur. Omnia vero rerum certissimum est, nec tunc temporis, nec unquam alias ullo ex affectu erga Remp. Poloniam arma sua in Sveciam vertisse Danos, verum potius ex aviditate aliena occupandi, cum ab occasione ad id invitari viderentur, quod ius faciale armatæ Daniæ evidenter probat, etiamsi larvam pietatis in Poloniam fronti obiter obduxerit; Universis scit orbis, quid deinde Reip. commodo præstiterint Dani, qui viribus ejus contra nos defensi, majorem illi gratiam debebant, quam ut illam auxilia contra Turcas poscentem, non re tantum omni, sed & spe vacuam relinquenter, agebantq; non aliter, quam ut Remp. frustra illuc missi Allegati pœnitere oportuerit. Hoc tamen multorum judicio à Daniæ tunc temporis expectandum vix erat, cum illa opibus, viribus, foederibus potens & instruta esset. Verum illa tunc otiosa, & complosis velut manibus ruinæ Europæ spectans, pacis consilia subdolè turbabat, nunc incendia orbis callidè fovens ut se se peregrinis litibus immiscet, & socios suis cladibus involvit, ita fallente spes inanæ funesto successu, licet foederatis suis gravis & onerosa & rebus quas temere ausa impar inveniatur, nihil tamen ab odiis & invidiâ in Sveciam remittit, ut saltē verbis, iniquis postulatis minisque re inanibus, tam Noviomagi quam alibi paſſim causam suam agere & dignitatem tueri videatur.

Ait Minister Danicus, Daniæ hostes nominatim Suecos consilia omnia eō convertere, ut studia gentis Polonæ à Dania abalienent &c. Quod quatenus veritati consonum sit, nemo melius noverit quam M.^m. V.^m cui parum quod ad Dаниam pertinere possit, scriptis vel oretenus exposui. Nec bene memini an nquam Danorū in Suecos perfidiam pro merito perrinxerim, imò licet mihi contaret Ser.^{mum} Daniæ Regem & Electorem Brand.^m missis ad S. R. M. V.^m literis id cf. facere tentasse, nè M. V. me in aula suā præsentem patetatur, tacuitamen, & ex ista persecutione solatum cepi glorie que mihi duxi, quod fidem in Regem & Dominum meum tanta capita anxiæ sollicitudine suspicere. Ceterum, nullo me hactenus Dania vexavit metu. Non enim ignarus fui, parum commercii intercedere inter Polonię & Daniam, quam plurimum vero inter Polonię hostes, tam manifestos, quam occultos & Dāniā; præsertim ex eō tempore, quod spe se dejectam vidit, transferendi sceptri Polonici in manus Principis cuiusdam Dani, quod votum DEus justissimus Regnorum Arbiter, & M. V. incomparabilis virtus, Reique publicæ sapientissimam judicium, elaserunt, maximo inclytæ gentis Polonæ bono & emolumento; ut potè cuius libertati Regnis Tyrannicis inveterata, Princeps ex domo non tam Regnatrix quam Dominatrice ortus & artibus dominandi imbutus existio facile esse potuisse.

Pergit

Pergit porrò Dantis afferere, Suecos palam gloriosos esse &c. Cum ego mihi istiusmodi rerum conscius non sim neq; credam ullum Suecorum Ministeriorum, alibi tale quid dixisse vel scripsisse & ipsa potrò rerum evidētia quæ fallere non potest, satis manifestum reddat, Suecos nihil hactenus egisse, undē miles Maj. V. & Reip. Polonæ vel exauctoratus vel exauctorandus ad ipsos transire, nescio undēnam hac insomnia & terrores Danos ac Brandenburgicos urgeant. Nam res illa quæ Generolum Rybinski spectat, totō cœlo ab hac imputatione distat, quippè eodem jure, quo Electori Brandenburgico, olim operas suas adversus Suecos addixit, postea Suecorum partes impetrata prius ab Electore venia, amplecti potuit. Verūm ad assertiōnem Auctoris revertar, quantum habet illa maxima fiducia ab eodem venditetur, non dum tamen illi fidem M. V. habere dignetur, antequam idonee probet vera se dixisse; quod si nequit, erubescat, aut saltem cautionem impostorum innocentibus gravis esse desinat. Longè enim alienum est à Sueciæ mente & moribus, ut Poloniæ vires labefactare voluerit, ut ullum militiæ M. V. & Reip. addictum consultò sciensque conduxerit, durante præcipue bello Turcico, quin potius suis opibus & flore militiæ lux, Polonię gratis juvare decrevit, quod consilium corruptit Elector Brandenburgicus fœdfragio novissimo in Sueciam, quæ hoc nefas non magis detestata est, quam immanem ejus in M. V. & Remp. impie-

C 3

impietatem, & invidiam, quæ temeratis, ut frequenter solet, fidei fœderumq; sacris, unde Reip. ex beneficiis immensis obligabatur, non minora tantum quam debuit, subsidia illi misit, sed & submissa præter urgente necessitatem revocavit, inde Turcis animi creverunt, revocataq; demum ex desertoribus militiae Polonicae adeò adauxit, ut duplo vel triplo ferè numerosiori quam, quem miserat, milite Poloniæ exiret. Taceo quantum sanguinis Polonici in castris militet, quorum pars magna astu officialium Electoralium ad transfiguram sollicitati, M. V. Reip. Dominisq; suis pereunt; nec majori probitate M. V. & Reip. se commendaveri Dani, quam ut in Borussia, militem conduceant parum ab eo abfuerint, ut, licet non factionibus, tumultuariae tamen inter gentis istius incolas, & Gedanensiam praesidiarios pugnæ occasionem præbuerint. Nam Danicus Minister sine consensu M. V. & Reip. nonnullos officialium militiae Polonæ in partes Regis sui pelliciat, curiose explorare nolui; non enim mihi tanti videntur ea, quæ rumores de eò circumferunt, ut aliquam solitudinem cuiquam injicere debeant; sufficit Sueciam non alios milites conduxisse, nec conductaram esse, quam eos, qui nullo sacramento militiae M. V. & Reip. obnoxii, sine ullius injuria, cujuscunq; ve- lint signa licet sequi queant. Salutare antem Consilium M. V. & Reip. Danus suppeditat, monens, nè M. V. inimicis suis ad oppugnandos amicos uti velit. Amici-

amicitia quam cum Poloniæ olim Dania coluit, ad usum momentaneum composita fuit, statimq; evanuit, quam primum Dania metu suo & malo liberatam se videt. De inimicitia Sueciæ Poloniæq; dici potest, odiis eundem terminum fuisse, qui armis, eaq; lospite adhuc Regia Vasorum Domus unde exorta fueront, vel saltē una cum ipsa interiisse. Amicitiae autem duorum horum Regnorum valdè alia est ratio, quandoquidem ejus causæ sunt perpetuae & naturales. Hinc olim unanimis harum gentium in mutuam tutelam & commonia emolumenta adversus alias, consensus, utriq; incrementa fortunæ, eximia attulit, & manifestus in Carolum VIII Sueciæ Norvegiæq; Regem Casimiri Poloniæ Regis affectus Sueciæ amicitiam à Polonia Danicæ anteferri debere, evidenti prudentiæ exemplo demonstravit. Inde Suecia ex momento conclusæ cum Poloniæ pacis rebus suis florentissimis, Poloniæ fidam animorum consiliorumq; ac virium, societate multotiens candidè ac serio imò gratuitò obtulit, utcunq; Reip. Poloniæ res nonnunquam parum secundæ vel prosperæ esse videantur; Danis interea nullo conatu, studio, aut opera in commune consulentibus, hand aliter ac si nulla Reip. Poloniæ Cura ad ipsos pertineret. Quantumlibet verò vel infelix temporum conditio, vel aliquid aliud obstiterit, quò minus circa intimus fœdus, Sueciæ votis satisficeret, aut Polonia fructu qui extam salutari opere, certò oriturus erat, gauderet, adversaq; ista quæ postea

postea sustinuit magna ex parte evitaret: vix tamen
ullum illustrius conspectiusq; toto terrarum orbe ar-
gumentum ad asserendam constantiam sinceri Sueciæ
in Poloniæ affectus, & demonstrandam Danorum
calumniam inveniri poterit. Proinde cum Suecia nî-
hil hoc ipso unquam quæsiverit unde Poloniæ res, & o-
pes atteri diminuiq; sed potius crescere & amplificari
possent; satis id ipsum absolvet Sueciam ab omni su-
spicione aviditatis insatiabilis proferendorum termino-
rum, eujus illam insimulare Danum non pudet. Qua
moderatione Suecia cùm hostibus transegerit, testis est
Germania cujus servatæ mercedem exiguum Suecia re-
tulit. Quid antem de Dania sentiamus? Quam Suecia
intra Urbis unius mænia bis coactam, paucarum parva-
rumq; Provinciarum jactura, ob non fluxam, vel tem-
porariam, sed perpetuam fidei inconstantiam & volu-
bilitatem mulctavit, mulctataq; vero reliquarū usū bea-
tiorem quam antea reddidit, & tantum abest ut Suecia
Danæ incrementū aliquod inviderit ut potius ex pura
liberalitate nonnulla restituerit & adjecerit. Illa ve-
rò tanti beneficii immemor imò Regia quoq; domus
diu inoblitæ Stœciæ viribns, armis & opibis adju-
tam expulso Christiano II. Tyranno florentibus de-
in Regnis per secula imperasse uti sape alias ita & nunc
quoq; Sueciæ impares & immeritas ingrati animi vices
reddidit, & nuperrime quidem est, quod Sueciam spe-
fœderis intimioris oblati diu lactatam detinnet, mox

ad

ad momenta fortunæ varia & præceps, ad hostes Sueciæ
nullam honestam ob causam, abrupto omnis juris
gentium commercio, deflexerit, ac demam inhumano
odio & asperitate bellum contra ipsam gerat in favo-
rem Electoris Brandeb. quo deteriorem pejoremq; ho-
stem M. V. & Polonia nec habuit unquam nec habi-
tura est. Perpendat obsecro M. V. an ex re sit Reip. ne
militi exauctorato libertas concedatur, ad partes illas se-
se vertendi quæ ex avaritia, levitia & cœco impetu ne-
gotiis ad se non pertinentibus contra fidem datam & so-
lennia fœdera lese immiscerunt; pacis spem o-
mnem in Europa integrandæ jugularunt, Turcas in-
M. V. & Remp. duriores reddiderunt, dum vel M. V.
debita fudsidia abstulerunt, vel nè aliundè mitterentur
motibus suis in causa fuerunt, quosq; M. V. & Resp.
infensissimos est sensura hostes nisi Deus brevi Europæ
pacé restituat, vel M. V. opportuno tempore istam sibi
& Reipub. imminentē occupet & antevertat. Retineat
itaq; quæso M. V. & Resp. copias suas, ijsdemq; ut ator
ad recuperandas prout Datus svadet, provincias suas à
quibus Sueci, ad M. V. intercessionem meo ministerio ab-
stinnerunt; Borussiam scilicet Dualem & Butaviensem
Lauenburgensem, Draheimensemq; districtus, quos
partim fraude, partim vi & inquis pactionibus Elec-
tor. Brand. Reip. extorsit, nec tamen Conditiones
Fœderum implevit, quoram vigore indebita benefi-
cia adeptus est. In illos & socios personatos istos

D

M. V.

M. V. & Reip. amicos, reipsa hostes venenum pectore fouentes, qui histrionum more sub vario schiamate in scenam prodeunt & vespertilionum ritu, noctu circumvagantes, pestifero ambitu præstationibus, fraudibus & corruptionibus Rempub. hanc turbant, anima ultricia M. V. & Resp. vertant, & si majestas V. suam contra illos causam agere nolit, saltem evictiō nem Sveciæ præstet, fœderis Olivensis quod, ut & plura, Elector. Brandeb. nefariè fregit rupitq;; neq; permittat M. V. militibus subditisq; suis tam turpi causæ patrocinari, qualem Dania & Elect. Brand. tuentur. Nam ut ut Svecia Paternas DEI castigantis manus senserit, manifestum tamen reddit Divina Nemesis gemina & memorabili Danorum clade, perfidiam & iniquitatem funestos fortiri eventus & verti posse momento res humanas, nisi justitia & æquitate nitantur.

Restat ut S. R. M. V. ex sincera devotione & pietate moneam nè Danis facile fidem habeat quippe non majorum tantum documenta & fides historico-rum probant, Danos fide non servata Pœnos æmulari solere sed & poterit id ipsum probare negotium illud, de occupandis Belgarum Navibus in Portu Bergensi Norvegico, inter Seren. Magnæ Britanniæ Regis Ministrum & Daniam gestum, ubi Anglorum ingenuo candori Danorum vafricies adeò imposuit, ut si inter pri-vatos res acta fuisset, naufragium fidei Danos fecissent potius quam ex civili prudentia egisse existimari de-

beat.

beat. Parom melioris notæ sunt recentia in Seren. Holsatix Ducem Danorum commissa; imò belum hoc, quod Svecis intulerunt Dani, evidentissime orbi manifestum reddit, à nullis pejus quam à Danis præcepta fidei servandæ exemplo tradi posse; idque non tam procedere ex necessitate metuque cuius quam maxime capaces esse solent, qui non exploratis viribus suis temere vicinos aggreduntur & amissâ virium suarum maximâ parte famam belli falsa veris assuendo tuentur, quam ex obliquo li-vore & invidia quâ Dani acutis oculis, Sveciæ fortunam limantes dum se frustra eam oppugnare sentiant, ira & mætore ad extrema acti, quasi propria pectora sua rodentes seipso conficiunt. S. R. M. V. humili-mè mihi quoq; roganda est, ut tam vanitatem minarum, quas Danus & socii passim scriptis suis tanquam flosculos inspergunt, heroico, vel contemptu, vel supercilie, despicere quam inania promissi Danici, ad calcem memorialis adjecta, èo quo digna sunt risu explodere velit. Offert M. V. suspectias contra Turcas Danus, cum quo tamen non dissimulat se scire pacem hoc tempore M. V. inivisse. Nunquid ergo aliud agere potest, quam ut hoc ipso M. V. auctor sit, nè pacem & amicitiam colat, vel fœdera servet, cum iis quibuscum in gratiam rediit, nisi ritu & more Danorum id est, ut fœderibus, paci & amicitiae, nulla vis & integritas unquam extet, verum ut lites, bella & certamina ex ipsis pacis

pacis auspiciis oriantur ac resurgent, perversoq; rationis & naturæ ordine cunas à tomulis & originem à fine suo moliantur. Exigua & tenuia porrò M. V. à Danis auxilia expectet necesse est, cum non suis ipsemet, sed sociorum viribus nitantur, quibus nunc fractis & accisis querulis lamentationibus gementes, nova auxilia per aulas Principum Germaniarū & apud Ordd. federati Belgii mendicatum ire dicuntur.

Plura his addere supervacaneum existimo, certus S. R. M. V. & Remp. Poloniarū ex Pietatis, Prudentiæ & virtutis generosæ dictamine non verò ex improbis Danorum & Brandenburgicorum suggestionibus, sed & foedera, societatis humanæ vincula, metiri colere, ac servare, consiliaq; sua eò dirigere, ut cedant in DEI O. M. gloriam, Europæ tranquillitatem, ac Regnum Sueciæ Poloniarūq;, perpetuam concordiam, quā uti utriusq; Regni vires, gloria & incolumenta priscis olim temporibus floruerunt, atq; in adultā felicitatem crevere, ita quoq; in posterum crescent vigebuntq;, imo in ipsam durabunt æternitatem.



Puncterne / 69.

Vppå hvilka freden emellan Hans Kongl.
Ryss. aff Pohlen och Ottomanske Porten
lyckeligen tråffat worden.

I.

Pactaterne med Sal. Konung Michael stola härmedh aldeles olifwa vphäfne / om them stal här effter åch intet meer wara at tala / mycket mindre then ene eller then andra Delen någre Conditioner ther aff sikh til godo draga.

2.

Uthi Podolien behålla Turckarne Kaminic medh en wiss Omkretz / som Konungen them förestifwit / och ehuru wå Bass:n ingen absolut Macht hafwer öfwer dhesse Puncter at handla / så twiflar han doch icke / at Keysaren och den Ottomanske